

第十五册

河水十附編

再續行水金鑑



丹德署  
簽

981026  
EST  
15

# 石印豫冀魯三省黃河圖載前清及民國決口合龍處照錄如下

(民國二十五年全國經濟委員會水利處製印)

武陟縣 北岸大隄 五堡西清康熙六十年決口處 二鋪營東清雍正元年決口處 詹店東清康熙六十年決口處

馬營東清康熙六十年及嘉慶二十四年決口處

廣武縣舊爲滎澤縣 南岸大隄 五堡東清同治七年決口處

原武縣 岸在北

鄭縣 岸在南 南岸大隄 石橋東清光緒十三年決口處

陽武縣 岸在北 北岸大隄 十堡東十五堡西之間清順治十五年及乾隆十六年決口處

中牟縣 岸在南 南岸大隄 楊橋北清雍正元年及乾隆二十六年決口處 十里店東清康熙元年決口處

處 十一堡西南清雍正元年決口處 新寨東清道光二十三年決口處

封邱縣 岸在北 北岸大隄 荊隆鎮東五堡西之間清順治九年及嘉慶八年決口處

開封縣

南岸大隄 雙河舖東清初黑崗合龍處 縣城北清道光二十一年決口處

陳留縣

蘭封縣

北隄大隄 貫台之東民國二十三年貫台決口處

南岸小新隄 (黃河故道) 民國二十二年決口處

南岸大隄 四明堂西民國二十二年決口處

長垣縣

北岸大隄 大車集至石頭莊之間民國二十二年決口三十處二十三年大水復將已堵合

之東了牆九段路香里張步寨等四口門冲破 王榮城西清光緒二十五年決口處

南岸大隄 二分莊東清光緒十四年漫決旋堵合 大龐莊東民國二十二年決口處

滑縣

濮陽縣

北岸大隄 壩頭鎮東民國二年決口處 馬屯民國四年決口處 習城集東清宣統三年

濮陽縣

決口處

決口處

荷澤縣

南岸大隄 賈莊東清同治十三年決口光緒元年合龍處

濮陽縣

南岸大隄 大劉屯西清宣統二年決口處

鄆城縣

南岸民埝 董莊至臨濮集民國二十四年決口六處 李升屯民國十四年決口處 周橋

至楊屯間民國三年合龍處 濮縣舊城東清光緒二十三年合龍處

范縣 北岸民埵廖橋民國十一年十二年合龍處 宋大廟東民國六年合龍處 陳樓西民埵民

國六年合龍處、臨河民埵徐屯民國六年合龍處）大王莊

南岸民埵 八孔橋東南民埵清光緒二十四年合龍處 楊屯北民國元年合龍處 雙李

莊東清光緒二十五年合龍處 夏樓民國六年合龍處 羅樓清光緒二十四年合龍處

壽張縣

北岸民埵 程家西清光緒二十二年合龍處 自陽穀錯界大寺張家經過壽張境東至陽

穀錯界清光緒二十八年合龍處 劉家橋清光緒二十八年合龍處 東西影塘開民國九

年合龍處 嚴善人隄梁集清宣統三年及民國九年合龍處

南岸民埵 田樓清光緒二十年合龍處 大營民國十五年塔合處 高堂

南岸大隄 楊莊清光緒二十五年合龍處 又東清光緒二十二年決口旋即合龍 柏莊

至黃花寺民國十五年塔合處

東阿縣 北岸大隄 舊城北清光緒二十四年決口當年合龍

平陰縣 北岸大隄 陶嘴清光緒二十五年合龍處

肥城縣 北岸民埵 潘莊東清光緒二十四年合龍處

長清縣 北岸民埵 董家橋清光緒十三年合龍處 大馬頭清光緒十五年合龍處 店子清光緒

十三年合龍處 陰河東清光緒十五年合龍處 楊家道口清光緒十五年合龍處 紙營

清光緒十五年合龍處

齊河縣在

北岸民埝 西韓莊清光緒十六年張村合龍處 郭家崗清光緒七年合龍處 陳家林

清光緒十一年二月決口至四月合龍 趙莊西清光緒十二年合龍處 王家寨清光緒二年合龍處

歷城縣

北岸民埝 桃園東紙坊西之間清光緒八年合龍處 紙坊向東清光緒十五年合龍處

南岸民埝 小魯莊西清光緒九年合龍處 河套圈東清光緒十二年合龍處 秦家道口

東清光緒二十四年楊史道口合龍處 濟溝西清光緒十年合龍處

濟陽縣在

北岸民埝 濟陽城南清光緒十八年灰壩合龍處 高紙坊東清光緒二十一年合龍處

王家圈清光緒十二年合龍處 張家辛莊東清光緒十八十九二十四等年合龍處 惠民縣接界劉旺莊清光緒二十九年合龍處

章邱縣在

南岸民埝 小沙灘清光緒二十三年合龍處 胡家岸清光緒十八年合龍處

南岸大隄 吳家寨西清光緒十一年合龍處 二十莊西清光緒八年合龍處 大寨清光緒二十七年合龍處

齊東縣

南岸大隄 北趙家東清光緒二十一年合龍處

惠民縣

北岸民埝 劉家口清光緒十五年合龍處 南北王清光緒十五年合龍處 清河鎮東清

光緒九年合龍處 小崔家西清光緒十九年合龍處 大崔家東清光緒十二年合龍處  
五楊家西清光緒二十七年合龍處

青城縣

北岸民埝 馬張家西清光緒二十六年合龍處（張肖堂）

南岸大隄 莊子西清光緒二十六年正月十六日此處決口五道次晨對岸張肖堂決口旋

卽淤塞

蒲臺縣

北岸民埝 宮家口堵合處（外民埝屬利津縣）

利津縣

北岸單隄 城西清光緒十年合龍處 馬莊東清光緒二十三年又三十年合龍處 王莊

西清光緒十年合龍處 王莊東清光緒三十年合龍處 張家屋子東清光緒十八年合龍

處 又東清光緒二十一年及二十二年合龍處

南岸單隄 楊家廟清光緒二十三年合龍處 卞家莊東清光緒十年合龍處 甯海清光

緒十年及二十九年合龍處 紀莊民國十八年秋紀莊民埝決口未堵經魚麟嘴入海卽現

時尾閘

再續行水金鑑

河水  
附錄

# 再續行水金鑑卷第一百四十八

## 河水 附編一

清光緒會典黃河圖說 新疆青海甘肅內蒙古陝西山西河南直隸山東

黃河自新疆羅布綽爾伏流至青海西南復出曰阿勒坦河東流爲扎凌海鄂凌海又屈曲東北流入西甯府界 黃河自羅卜泊伏流至青海西南噶達素齊老山復出是爲黃河重源曰阿勒坦河東流爲鄂敦他拉海又東潞爲扎凌海爲鄂凌海圖爾根河鄂羅庫河並北流匯焉又東折南右納渾蘭河沙克河哈拉河左納哈爾吉河及諸小水又東南左右納十餘小水經積石山南三峴都倫河並自四川雅州府松潘廳來北流注之折西北流經和碩特前頭旗南至土爾扈特南前旗南合大小哈柳圖河及左右十餘小水至和碩特左翼中旗西南受圖生圖河河出涉馬山四水合北流德爾多河出哈爾吉嶺合七水來會又東北合數水爲齊普河注黃河黃河折東北結博河合薩爾哈布齊海河東流之又東北經土爾扈特南中旗南至和碩特南右翼末旗西南至額爾奇河出卽里山合魁滕西里克諸水東南流注之烏蘭河西北流注之又東北入貴德廳界

甘肅省黃河自青海東北流經西甯府西南入境又經蘭州府西洮河自洮州廳東流折北注之大通河合湟河東南流注之又東北合祖厲河經甯夏府西南合清水河又東北入內蒙古鄂爾多斯左翼旗界西甯府黃河自青海西北流經貴德廳西南界受哈克圖河河出貴德廳西南依克圖爾根山北流圖



爾根河西流注之又西北石渾河出廳南山左右合一水曰忙拉河西流注之又西北注於河黃河又東北石爾廓爾河左合一小水北流注之入界經府治西南及廳西北烏蘭河出廳南山右合二小水北流經廳西來注之又東右納暖泉河郭納泉水又經廳治北而東龍池河出廳東南山合龍王池水及三岔河支津北流注之又東左納一小水折東南經廳東及巴燕戎格廳西左右各納四小水又東南右納三岔河又東南經循化廳西受保安大河河出廳西南山合隆武河東北流思占水河二源出廳西南山合北流來注之又東北清水河出貴德廳南山南流折東北曰古隆河來會又北注於河黃河又東經巴燕戎格廳南循化廳北巴燕戎格河合數小水南流注之中庫泉撒茂泉隆只里泉合北流注之又東夕廠泉右合一小水爲起台溝西北流注之又東左納一小水又東經碾伯縣東南左納杏爾溝水經積石關入蘭州府河州界 蘭州府黃河自西寧府循化廳東流入界經河州西北小積石山北右納樣卑河吹麻河銀川河又東北至蓮花渡受大夏河河即古灘水自西甯府循化廳番地東北流入界經州西右納槐樹關河左納老鴉關河紅水河又東經州南又東右納牛脊河折北流右納廣通河注於河黃河又東北至州東北洮河口受洮河河自鞏昌府洮州廳土司合冶木河北流入界經狄道州南抹邦河合松樹溝水西北流注之又北經州治西而北三岔河合麻山溝留川河東北流注之東峪河西流注之又北經河州東西北流右納打壁水土條溝水又西北右納祁家河東結河沙泥河及二小水又西北注於黃河黃河又折西北流左納馬營河又東北大通河合湟河自平涼府平番縣來東南流注之又東莊浪河亦自平番縣來東南流注之又曲折東南流右納西柳溝水左納米家沙溝水又東南經府治北右納阿

干河左納莫家溝水埤河折北至金縣西北受龜峪河河出金縣南馬街山東北流左納徐家峽河大峪河又東北大營川出縣東南胡麻嶺北流合新營河曰清水河又北合黑茨溝水來會又西北左右納五小水注於黃河黃河又東北經皋蘭縣東北金縣北蔡家河出皋蘭縣北合一水及老鶴河東南流注之又東北左右各納數小水至靖遠縣治西北受祖厲河河自鞏昌府會甯縣入界東北流靖遠縣東南右納消河又西北關川自鞏昌府安定縣來會又西北右納一水又西北注於黃河黃河又東折右納煙洞溝水折西北一水自打拉池來西流注之又西北右納一小水及大紅溝水左納皋蘭縣北二小水又西北一水自皋蘭縣北境新敦溝合數小水東南流注之又折東北右納鈎溝水左納喇叭水又東北入甯夏府中衛縣界甯夏府黃河自蘭州府清遠縣東流入界經中衛縣西南右納一小水又東北支渠左出爲美利渠爲太平渠右出爲羚羊角渠經縣東兩右出爲羚羊店又東復合諸渠經縣東左出爲永興渠爲勝水渠右出爲羚羊夾渠清水河自固原州來西北流注之又東折北右出爲七星渠左出爲順水渠爲豐樂渠經青銅峽北合諸渠東岸爲甯靈廳西境右出爲漢渠爲秦渠山水河卽澇河自靈州東南合一水北流錯經固原州平遠縣界復北流來會復夾州治而北注於河黃河西岸自青銅峽北經府治甯朔縣南左出爲唐徕渠爲大清渠爲漢延渠爲惠農渠並東北流合諸湖水經府治甯夏縣東至平羅縣東北與昌潤渠並東北注於河黃河北又入鄂爾多斯右翼中旗界

內蒙古黃河自甘肅甯夏府北流入界經伊克昭盟鄂爾多斯部西套阿拉善額魯特東又北折東流經鄂爾多斯部北烏蘭察布盟烏喇特部西南折西南流經山西西北邊外又西南入陝西榆林府界西

套蒙古黃河自甘肅甯夏府平羅縣北來經額魯特旗東北阿拉善山東其東岸爲伊克昭盟鄂爾多斯右翼中旗界又東北經白塔東又北歧出爲騰格里泊又東北入烏蘭察布盟烏拉特旗界 伊克昭盟鄂爾多斯部黃河自甘肅甯夏府東北來經右翼中旗西南伊克托蘇圖河巴哈托蘇圖河並出旗南西流匯爲柏木泊又西北流注之又東北經旗西甯阿爾布斯山色爾圖哈拉山之西至白塔東又北左出爲騰格里泊古居中澤也哈爾哈納河出其西北合三水南流折東注之又東北經阿爾坦山東南阿爾坦河俗名哈屯河南流注之又東北爲庫庫泊折而東流有支津自西南注之又東爲阿爾坦托輝折南與正流會其正流東北經右翼後旗西北復出支津爲薩哈賓克河其正流又東經噶札爾和碩山南至穆克和碩東阿爾坦托輝薩哈賓克河合南流來會又南折東布哈爾蘇台河合一小水東北流注之喀賴河西都爾虎河並北流注之又東經左翼後旗北其北岸爲山西薩拉齊廳界又東折東南其東北岸爲山西托克托廳界哲格蘇台河和蘇台河合東北流注之又屈曲西南經左翼前旗東其東岸爲山西清水河廳甯武府偏關縣界又西南其東岸爲山西保德州河曲縣界折南入陝西榆林府谷縣界陝西省黃河自鄂爾多斯左翼前旗緣界西南流經榆林府東屈野河自鄂爾多斯部來東南流注之其東爲山西保德州太原府汾州府境又西南經綏德州東無定河亦自鄂爾多斯部來注之又西南經延安府東延水出府北東南流注之其東爲山西隰州及平陽府境又西南經同州府東折東流受渭河又東入山西蒲州府境渭河自甘肅秦州東南流入境經鳳翔府南合汧水雍水東流經西安府南灇潼二水合北流注之涇水自甘肅涇州來東南流注之又東北漆沮二水合流注之又經同州府東南洛水出

延安府西北合周水沮河東南流注之又東流注黃河 榆林府黃河自鄂爾多斯左翼前旗緣界南流經府谷縣東北其東爲山西保德州河曲縣界黃甫川自黃甫口南流注之清水川二源自清水口合南流注之又西南經縣南其東爲山西保德州界西受孤山川川自西北邊牆入孤山口西南流經縣西北合鎮羌水麻家溝郝家山合流水折東南經孤山堡東南合木瓜川又東南注黃河黃河又西南石馬川出神木縣響石巖東南流注之又南經神木縣東南紗帽頭其東爲山西太原興縣界右納窟野河河上源曰烏蘭木倫自鄂爾多斯左翼中旗東南流入界經神木縣西芹河東南流注之泗洽河西南流注之又南大柏油河東流注之又東南至小川岔東柏林河合小西河東流注之燕子峪水西流注之又東南注黃河黃河又西南經葭川東北又納西豆谷水彌勒川水其東爲山西汾州府臨縣界又南受秃尾河河卽吐渾河自邊牆流入經神木縣西南左納永利河右納一小水又經葭州北左納永興川右納四字川開花川又東南左納佛堂岔水右納鹽溝水又東南注黃河黃河又南右納泥河水又經州治東受葭蘆川川一名沙河自邊牆流入經府治東北東南流左納寺兒灣水右納謝家溝水又東南五女川合唐家溝水東流注之又東注黃河黃河又南烏龍水出州西天地窪東流注之背千川經店頭鎮東流注之又東南荷葉川自綏德州米脂縣來東流注之又南螳螂水自綏德州吳堡縣來合康家港水東流注之又南入綏德州界 綏德州黃河自榆林府葭州緣界南流經吳堡縣東北盤龍嶺又東南經川口鎮右納戲魚洲水其東爲山西汾州府永甯州界又東南經橫溝東又西南經火燒山麓右納柳臺溝水經縣治又西南右納相公泉水又西南經宋家川東南清水溝合馬跑泉東南流注之又東南經州東南石場

村西南流經西河驛其東爲汾州府富鄉縣界又西南經清澗縣界首鎮東其東爲汾州府石樓縣界又西南經河口東受無定河河自榆林府榆林縣東南入界經米脂縣治西又南經州治東北大理河小理河並自榆林府懷遠縣來經米脂縣西南境合東流注之又南流經州治東南流懷甯河自延安府安定縣來合其縣之東溝水東北流注之又東南經川口鎮又東南注於黃河黃河又西南入延安府延川縣界延安府黃河自綏德州清澗縣緣界南流經延川縣東馬家渡其東爲山西汾州府石樓縣界又南經延水關南土埋溝水東流注之其東爲山西隰州永和縣界至老龍口西受秀延水水出安定縣西北山合諸山水東南流至唐家川黑牛川合諸山水來會又東南麻兒河合橋兒坪水東北流來會經縣治北又東左右各納一小水在瓦窰堡右納根水左納雨田山水又東經吳家鋪草班川三源東南流注之又東經丹頭城左納胡家溝水又東南錯入綏德州清澗縣界復南流經延川縣北清平川合郝家川白津川合流之水東北流注之又南站川合馬家南溝小水東北流注之經縣治東馬家巖水西南流注之又東南南河東流注之寵家河西流注之華子河合瓦村河東北流注之交口河二源出延長縣北獨戰山東北流注之又東注黃河黃河又南經宜川縣馬頭關其東爲山西隰州大寧縣界右納小清水河又南經禹王坪渡受延水水卽濯筋河出靖邊縣盧關嶺東南流經安塞縣西北折而南經龍安鎮又南經縣治西杏子河出靖邊縣南總管山東南流經保安縣北至安塞西合北溝水東南流注之又東南經安塞治南曲折東南流經府治西北西川水自保安縣東流注之又經府治東北南河水合松樹嶺杜甫川諸水北流注之又曲折東北流左納豐林川水又東北清化水自安定縣南流經膚施縣東北合牡丹

川水來注之又東經延長縣西左納烏陽川水經于谷驛南又東左納史家河岳口川水屈東南流右納關子口水左納小鋪原河經縣治又東左納蘇家河水折東右納安溝水又東南經宜川縣東北注黃河黃河又南過壺口其東爲山西平陽府吉州界屈西南流經柴家渡受麻洞川水水出甘泉縣左家山東北流合馬家坪水又東北合趙家圪臺水東南流經臨真鎮合庫兒川水又東南經宜川縣雲巖山麓名雲巖河東流注黃河黃河又南過孟門山至小船窰渡北受銀川水水出宜川縣西經龍川鎮曲折東流丹陽川合南川東北流來會又東合仕壺川又東注黃河黃河又南右納鹿兒川水又南經唐家東南灘右納白水川水又南經八郎山麓折而東猴兒川自同州府韓城縣來合其縣一小水東北流注之又流入同州府韓城縣界洛河二源出定邊縣東南白於山合東南流經鐵轆城左納郎兒溝水右納掌兒溝水又東南左納吳倉波水折東北左納靖邊縣鳳凰寺河復東南白豹川自甘肅慶陽府安化縣東北流注之又經保安縣西左納靖邊縣梁家河水右納吳堡川水又東南周水自靖邊縣飲馬坡合紅柳溝西陽溝水東南流經保安縣西來注之又東南右納要子川瓦子川水又東經安塞縣西南甘泉縣西北右納甘泉縣自修川水折南北河合阿伏斤西流注之又南右納美水左納清泉水又南左納漫漲河水右納紅土溝水又南入鄜州界

山西省黃河自內蒙古伊克昭盟鄂爾多斯旗東南流入境經薩拉齊廳南其南爲鄂爾多斯旗界折東南經托克托廳西合黑河又屈西南經清水河廳西合兔毛河又經保德州西北合大澗河西爲陝西榆林府界西又南經太原府西北合嵐漪河又經汾州府西合離石水又經隰州西其西爲陝西綏德州界

合昕川河又南經平陽府西其西爲陝西延安府及同州府界又經絳州西蒲州府北受汾河河出甯武府西南流經忻州及太原府西合潞水又經汾州府東合文峪河經霍州及平陽府西折西南經絳州東南合澮河又屈西流注黃河黃河又西南經蒲州府西錯入陝西同州府界涑水會姚暹渠出境注之又南折東經府東南又經絳州東南合沅水又東入河南懷慶府界歸綏道黃河自鄂爾多斯左翼前旌界緣界東流經薩拉齊廳西南包頭河五當河並南流注之經廳南又東蘇爾哲河二源並出廳東北大西溝合西南流經杜守節營右合一水來注之又西冒帶河出廳東北二源合南流注之又東南經托克托城廳西受黑河河源一曰金河卽伊克土爾根河古芒干水出歸化城廳東北官山南流喀喇江哲爾得河並西流注之折西經廳治南小黑河出廳東北喀喇克沁上南流合九達海河來注之又南哈爾儿河南流注之又西南經托克托城東北黃水河出甯遠廳北西流經和林格爾廳北合二小水注之又西克魯庫河古白道中溪水出廳北土城子南流右出支津爲多羅圖河夾畢齊克司南復合南流注之又西南經廳治北察素河自歸化廳西北南流注之又西南注黃河黃河經廳治西又東南至清水河廳西北更受清水河河自朔平府平魯縣西流自大水口入界經清水河廳東南紅門口水鎮川口水合西北流來會爲三汶河又西北經廳北邊外兔毛河自朔平府右玉縣來合甯遠河西流爲烏蘭穆倫河來會又西北注黃河黃河又南經廳西折西南入保德州河曲縣界甯武府黃河自清水河廳流經偏關縣西北邊牆外關河自朔平府平魯縣來西南流經縣東南合了角崖紅水溝沙窠寺諸水西北流注之又西南入保德州河曲縣界保德州黃河自甯武府偏關縣西南流經河曲縣北又經縣西北爲陝

西榆林府府谷縣界又西南經河邑鎮西大澗河自甯武府五寨縣西流來注之又西南經州治北天橋石峽是爲呂梁洪又西南經治西石佛河出河曲縣東南境合葫蘆山水西流經治南合朱家川水西北流注之又南左納一小水又南入太原府興縣界太原府黃河自保德州南流經興縣西爲陝西榆林府府谷縣界潞水出岢嵐州東南合黃道川三角城二水西北流沙河出州北岢嵐山西南流與合是爲岢嵐河西南流注之又屈西南西爲榆林府神木縣界蔚汾河出嵐縣西北黃牛山西北流經縣西南左合南川水西北流注之又西爲榆林府葭州界又南入汾州府臨縣界汾州府黃河自太原府興縣南流經臨縣西爲陝西榆林府葭州界紫金山水杏林莊河曲峪河清涼寺河月鏡川水並出縣西境西南流注之又經永甯州西西爲陝西綏德州吳堡縣界湫河亦自興縣來西南流經臨縣北合窰頭水萬安溝屈經縣東合連枝山水漢高山水西南流經州西北磧石鎮南注之又南受三川河河上承離石水卽北川河出州北赤堅嶺南流經州北左合呂梁山水右合北澗水又南經州西北東川河出州東合吳城鎮水西北流來會又經州西南清水河卽南川河出甯鄉縣南泉子山合諸山水西北流來注之是爲三川河又西注黃河黃河又南經甯鄉縣西西爲綏德州界又南經石樓縣西沙河上流爲土軍川水出縣東境合牧馬川屈產泉暖泉陂水西北流注之又南左納溫泉水又南入隰州永和縣界隰州黃河自汾州府石樓縣南流經永和縣西西爲陝西延安府延川縣界又南爲老牛灘西爲延安府宜川縣界仙芝水出縣東北仙芝谷合榆林川水甘露河西南流注之又南經大甯縣西馬門關北受昕川河河三源南源曰第一河卽東大河出蒲縣東南分水嶺西北流經右合東小河又西經縣南南川河自平陽



府北流來注之經縣西屈曲西北流經大甯縣東南懸底河自平陽府吉州來北流注之又經義亭村名義亭川又西北經縣西南會北源北源曰紫川河舊名隰河出州治北境合諸山水南流其東源曰義泉河自平陽府汾西縣來合聖水山泉西流並經州治西南作城鋪合西南流左納蒲川水又西流與南源會是爲昕川河又西北注黃河黃河又南入平陽府吉州界平陽府黃河自隰州大甯縣西南流經吉州西北爲陝西延安府宜川縣界又西南經壺口山是爲孟門又東南清水河古羊求川出州東高山左右各合一小水經州南屈西流注之又南經鄉甯縣西爲陝西同州府韓城縣界鄂水出縣東鄂山合羅峪河及數小水經縣南西流注之東南入絳州河津縣界絳州黃河自平陽府鄉甯縣南流經河津縣西爲陝西同州府韓城縣界南出龍門山入蒲州府榮河縣界復自解州平陸縣東流經垣曲縣南南爲河南懷慶府沁池縣界毫水清水並出縣西北境合流爲毫清河東南流至縣西合白水注之又東受沈水水二源西源出縣東北歷山南流同善鎮西南其東源曰教水自澤州府陽城縣西南流來會又南經縣東注黃河黃河又東入河南懷慶府濟源縣界

山西省沁河出沁州西南流經平陽府東澤州府西與丹河並南流入懷慶府界沁州沁河出沁源縣北縣山諸谷源有三一曰水峪河出車家嶺一曰琴峪水出崖頭滑鳳二村一曰青果山水出自狐窰並經陽城村西南合流又南西源曰清水出河底村東南流來會又西南經縣東右納西川河又南經縣南左納青龍河又南入平陽府岳陽縣界平陽府沁河自沁州沁源縣南流入界經岳陽縣東和川河一名蘭河出縣北寶豐里東南流注之又西橫水自潞安府長子縣西流來注之又折東南入澤州府沁水